



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

1. Cum illos &c. Contra Pravos Mores Clericorum Ecclesiæ Narbonensis:  
Anno 1334.
- 

[urn:nbn:de:hbz:466:1-74452](#)

ANNO  
1336.

mus, quæ processum ipsum suo quasi sonoro præconio, & patulo indicio publicabunt, ut ipsi nullam possint excusationem pretendere, vel ignorantiam allegare, quod ad eos non pervenerit, vel quod ignoraverint eundem, cum non sit verisimile quoad ipsos remanere incognitum vel occultum, quod tam patenter omnibus publicatur. Dat. Avinion. 2. Non. Januar. Pontif. nostri anno quinto decimo.

Et licet processus iste sufficenter publicatus extiterit, ut præfertur, tamen ex abundanti volentes cum in locis, & dominis tui ordinis nihilominus publicari, discretione tuae committimus & mandamus, quatenus per te, vel alium, seu alias ejusdem ordinis, processum eundem in singulis locis, & dominis præfatis diligenter publicare proctres, faciens de publicatione istâ instrumenta publica confici, quæ nobis studeas fideliter destinare. Datum Avenion. 4. Idus Januar. Pontificatus nostri anno xv.

XXII.  
Ex hist.  
Univers. Pa-  
ris. Bulzæ  
Tom. 4. pag.  
239.

Declarat Papa suam de Visione Beatifica opinionem: anno 1336.

JOANNES EPISCOPUS,  
*Servus Servorum Dei, ad perpetuam Rei memoriam.*

**N**E super iis quæ de animabus purgatis, separatis à corporibus, an citra summationem Corporum Divinam essentiam illa visione quam vocat Apostolus faciale videant tam per nos, quam per nonnullos alias in praesentia nostra recitando & allegando sacram scripturam & originalia dicta sanctorum, vel alias ratiocinando saepius dicta sunt aliter, quam per nos dicta & intellecta fuerunt, intelligentur & dicantur, auribus valeant fiducium inculcari.

Ecce quod ad nostram intentionem, quam cum S. Ecclesia Catholica circa hoc habemus, & habuimus serie præsentum, ut sequitur, declaramus: fatemur siquidem & credimus quod animæ purgata separata à corporibus sunt in Cœlo Cœlorum & in Paradiſo cum Christo, confortio Angelorum congregata, & vident Dominum & divinam essentiam facie ad faciem clare, in quantum status & conditio patitur animæ separata. Si vero alia, vel alias circa materiam hujusmodi per nos dicta, prædicata seu scripta fuerint, quoquomodo illa diximus, prædicavimus seu scripsimus, recitando & conserendo dicta sacrae scripture & sanctorum, nolumus esse dicta, prædicata & scripta ut de omni alio errone è dicto. Infuper si qua alia sermocinando, conferendo, dogmatizando, docendo, seu alias quovis modo diximus, prædicavimus, vel scripsimus circa præmissa, vel alia quæ fidem concernunt Catholicam, sacram scripture aut bonos mores ea in quantum sunt consona fidei Catholicæ determinationi Ecclesiæ, sacrae scripture, ac bonis moribus approbamus, alias autem illas habemus & haberi volumus pro non dictis prædicatis & scriptis, eaque revocamus expresse. Ac prædicta omnia & alia quæcumque dicta, prædicata, & scripta per nos de quacunque materia, ubique & inde quæcumque loco, aut in quocunque statu, quem habemus vel habuimus hactenus, submittimus determinationi Ecclesiæ, ac successorum nostrorum.

ANNO  
1334.

Nulli ergo omnino hominum licet, hanc paginam nostræ intentionis, declarationis, confessionis, voluntatis, approbationis, revocationis & submissionis infringere, vel ei ausu temerario contraire. Si quis autem &c.

Datum Avenioni tertio Idus Decembris Pontificatus nostri Anno 19.

## BENEDICTUS XI. DICTUS XII.

### PONTIFEX CIC.

ANNO DOMINI MCCCXXXIV.

**B**ENEDICTUS Gallus Tolosas Patre Molitore natus: Opinionem Prædecessoris sui JOANNIS de Animarum post mortem Statu dilucide exposuit: Indignos, & Consanguineos à beneficiis arcuit dicens se nolle exornare lutum; utque Benedictus XI. Matrem in vestibus sacerdices, ita hic Patrem in alio quam Molitoris habitu noluit agnoscere: nihilque aliud illi dono dedisse fertur, quam pecuniam, quæ satiis effet ad emendam molam. Post annos septem, menses quatuor obiit. (*Magni Bullarii Romani Tom. I. hujus Edit. Luxemb. 1727. App. fol. 208.*)

I.  
Ex Mise.  
Baluzii Tom.  
2. Pag. 263.

Contra Pravos Mores Clericorum Ecclesiæ Narbonensis: Anno 1334.

## BENEDICTUS EPISCOPUS.

*Servus Servorum Dei, dilectis Filiis, Capitulo Ecclesiæ Narbonensis, salutem & Apostolicam benedictionem.*

**C**um illos in Ecclesiæ corpore violos audimus, qui alios in viam dirigere mandatorum domini & revocare ab erroribus tenebantur, anxietate cordis affligimur, attentes quod humani generis inimicus eos potius corrumpere satagit ex quorum plures corrumphi valcent corruptela. Sanè postquam divina miseratione ad summi Pontificatus apicem nos proverbit, nulla sinistra, quæ de clero vestra Narbonensis Ecclesiæ nobis olim relata fuerant, saepius, cum status inferior nos haberet, nostris extiterunt auribus non sine magna displicentia inculcata; de quibus aliqua, videlicet pauca de multis, providimus serie præsentium explicanda. Nam in Ecclesia ipsa, quæ sicut caput existit aliarum Ecclesiæ provinciæ Narbonensis, sic præ illis exemplari vita & operibus virtuosis cultus que divini decore fulgere deberet, idem cultus, propter quem clerus ibidem principaliiter constitutus est, negligitur, beneficiatus, & intitulatus ejusdem Ecclesiæ, laxatis rationis & honestatis habens, per campum licentia post suas currentibus indomitas voluntates; & quod est perniciuum & detestandum plurimum, quamplures ex eis continentia jungo, cui se submiserant voluntarie, damnabiliter, & inverecundè in majorem suam confusionem abjecto, sicut mulus, & equus, quibus non est intellectus, potius suas inordinatas vo-

lunta-

A N N O  
1334.

luntates sequentes quām rationis imperio se regentes, færoribus luxuriae turpiter se involvant, mulieres suspectas seu focarias concubinas tenendo, in illa quā mater pudoris ac munditiae conservatrix debet existere, scilicet Ecclesia Sancta Dei, quantum in eis est, constituentes proflibulum & lupanar, ejusque nobilitatem in ignominiam convertentes, non arteato quām crudeliter famam suam negligunt & quām graviter tam ipsi quām illi qui hēc sic abominanda tenerentur & deberent corrige, in conspicū Domini ex his cadunt. Verisimiliter siquidem opinamus quod ex premissis & aliis commissis ibidem contra divinum beneplacitum & omisssis ille qui Ecclesiam sui pretiosi sanguinis asperzione comparavit merito provocatus variis perfectionibus & oppressionibus permisit his præteritis temporibus vos vexari, que aliis temporibus, quibus talibus non irritabatur offensio minimè contigerunt. Nec aliud, ex quo Deus non parum offenditur, volumus subtrahere, quod bona innumera, que pro ejusdem Ecclesie Narbonensis fabrica hastennis ex diversis elemosinis & aliis provenientibus provenerunt, non in utilitate ejusdem fabricæ, nisi dumtaxat modica, sed in suis seu potius abusus illos damnableiter sunt consumpta. Cum autem præmissa, & alia multa quæ circa materiam hujusmodi, quæ ad p̄sens ex causa honestatis sub silentio præterimus, non intendimus ulterius, ne culpam aliorum nostram videamus facere per tepiditatem & negligientiam, tolerare, discretionem vestram attentiū exhortamur in Domino, vobisque nihilominus per Apostolica scripta distictius injungendo mandamus, quatenus primo quod in votis p̄svia diligenti mens discussione vitiosum, vel tenebrosum reperitis, ne in vultu medentis nucus quod opus ejus reddat contemptibile vel reprehensibile appareat, purgantes, abjicientes & clarificantes omnino circa divinum officium & utilitatem Narbonensis Ecclesie prout ad hēc tenemini & statuta ipsius Ecclesie vos astringunt, vacare & intendere omni sombra negligientia studeatis, & nihilominus per ordinationes & statuta salubria facta vel auctoritate nostra, prout opportunitum extiterit, facienda taliter non solum verbi, sed effectivis operibus disponatis & ordinatis quod omnes & singuli beneficiari & intitulati in eadem Ecclesia horis canonicas diurnis pariter & nocturnis missurumque solemnis intersunt continuè residentes & psallentes, & peragentes divina officia, ut tenentur, quodque illi qui non interfuerint, cessante tamen causa legitima & honesta, in eisdem singulis horis, pundentur & perdant certam partem suorum proventuum, quos per modum distributionum ordinatarum vel ordinandarum essent in horis hujusmodi percepturi, nec ab eadem residencia & divinis obsequiis propter negotia vestra, vel alia nisi causa supereret utilis honesta, & necessaria, & hoc dumtaxat pro diebus paucis aliquibus, prout vobis expedire videbitur, excusentur, abjiciant nihilominus a se penitus concubinas & quasvis mulieres suspectas, honestam de cetero, & exemplarem vitam ducentes. Alias vero, si fuerint incorrigibilis in hac parte à corpore cleri ejusdem Ecclesie, tanquam infecta membra & putrida, ne corpus ipsum inficiant, abscondantur, appellacione remota, & ab ipsa Ecclesia removantur omnino, loco illorum alii viri honesti & idonei, qui honestè Deo serviant, & suum expleant ministerium, subrogatis. Vos etiam &

A N N O  
1338.

De excessibus Imperatoris, contra Concedentes cum ipso, & contra titulum Vicarii Regi ab ipso datum, & de decimis Regi Francie, non contra Regem Anglie, sed contra Invasores Francie concessis: Anno 1338.

II.  
Ex Archiv.  
Angl. Rimer  
Tom. 5, pag.  
128.

## BENEDICTUS EPISCOPUS,

*Servus Servorum Dei, carissimo in Christo filio Edvardo, Regi Anglie illustri, salutem & Apostolicam benedictionem.*

D Udom te, Fili carissime, clara imitari vestigia progenitorum tuorum Regum Anglie, qui erga Deum & sacrosanctam Romanam Ecclesiam, velut peculiares ejus Alumni & devoti Filii, plenitudine devotionis & fidei clauerunt, rurque splendorem prospice à quibus obfuscatione nebuloſi contagii præservari, eaque in te prælucere clariū cupientes, & ex paternæ Charitatis & dilectionis affectu, quo te statumque tuum prosequimur, nostras tuæ celstudini litteras direxisse meminimus. Inter cetera recensentes qualiter excessus per nobilis Virum Ludovicum de Bavaria, olim ut asserebatur discorditer in Regem Romanum electum, aduersus Deum & candem Romanam Ecclesiam, ac felcis recordationis, Johannem Papam vicesimum secundum, prædecessorem nostrum, per coacervationem multiplicium & atrocium offendarum, nequiter perptrari, tum præterisse nequitant auditum; quos velut toti mundo notorios, non omnes, cum longa & prolixa nimis eorum narratio extisset, sed ex eis aliquos in eisdem litteris providimus, ut sequitur, recitando. Idem namque Ludovicus, contra processus prædecessoris ejusdem & inhibitiones ipsius, de consilio fratrum suorum, ejusdem Romana Ecclesie Cardinalem, factos & habitos, diversas spirituales & temporales penas & sententias continentibus, intravit Italiam, & nonnullos Hæreticos, de Hæreti publicè & notoriè condemnatos, in confortium publicè participationis admisit, reuens & assertens Hæretes manifestas, ac forendo, secumque tenendo Hæreticos publicè dogmatizantes prædictatum Hæretum detestabi-